

ЎЗБЕКИСТОН RESPUBLIKASI
VAZIRLAR MAHKAMASINING
QARORI



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

29 " май 2018 й. г. № 398

Тошкент ш. – г. Ташкент

Ўзбекистон Республикаси Ҳукуматининг айрим қарорларига ўзгартиришлар ва қўшимчалар киритиш тўғрисида

(Ўзбекистон Республикаси Президентининг “Ўзбекистон Республикаси туризм салоҳиятини ривожлантириш учун қулай шароитлар яратиш бўйича қўшимча ташкилий чора-тадбирлар тўғрисида” 2018 йил 3 февралдаги ПФ-5326-сон фармони, “Кириш туризмни ривожлантириш чора-тадбирлари тўғрисида” 2018 йил 6 февралдаги ПҚ-3509-сон ва “Ички туризмни жадал ривожлантиришни таъминлаш чора-тадбирлари тўғрисида” 2018 йил 7 февралдаги ПҚ-3514-сон қарорлари)

Ўзбекистон Республикаси Президентининг “Ўзбекистон Республикаси туризм салоҳиятини ривожлантириш учун қулай шароитлар яратиш бўйича қўшимча ташкилий чора-тадбирлар тўғрисида” 2018 йил 3 февралдаги ПФ-5326-сон фармони, “Кириш туризмни ривожлантириш чора-тадбирлари тўғрисида” 2018 йил 6 февралдаги ПҚ-3509-сон, “Ўзбекистон Республикаси Туризмни ривожлантириш давлат қўмитасининг фаолиятини янада такомиллаштириш чора-тадбирлари тўғрисида” 2018 йил 6 февралдаги ПҚ-3510-сон ва “Ички туризмни жадал ривожлантиришни таъминлаш чора-тадбирлари тўғрисида” 2018 йил 7 февралдаги ПҚ-3514-сон қарорларига мувофиқ Вазирлар Маҳкамаси қарор қилади:

1. Ўзбекистон Республикаси Ҳукуматининг айрим қарорларига иловага мувофиқ ўзгартиришлар ва қўшимчалар киритилсин.

2. Вазирлик ва идоралар ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсин.

3. Ушбу қарорнинг бажарилишини назорат қилиш Ўзбекистон Республикаси Бош вазирининг ўринбосари А.А. Абдуҳақимов ва Туризмни ривожлантириш давлат қўмитасининг раиси Б.Н. Умаров зиммасига юклансин.

Ўзбекистон Республикасининг
Бош вазири



А. Арипов

таъминлайдилар, хорижий фуқароларнинг (Ўзбекистон Республикасида шахсий ишлар бўйича хорижий фуқароларни қабул қиладиган ва уларга нотижорат мақсадида яшаш майдони тақдим этадиган жисмоний шахслардан ташқари) тегишли ҳисобини юритадилар, шунингдек, уларни Интернет тармоғи (кейинги ўринларда Дастур деб аталади) орқали махсус электрон автоматлаштирилган дастур ёрдамида хабардор қилиш ёки Ўзбекистон Республикаси Ички ишлар вазирлигининг тегишли бўлимларига мурожаат қилиш йўли билан вақтинчалик прописка қилишни таъминланиши, уларнинг республика ҳудудида ҳаракатланиши ва бўлишининг муайян муддати тугагандан кейин Ўзбекистон Республикасидан чиқиб кетишлари учун жавоб берадилар.

Хорижий туристларни қабул қилувчи туризм операторлари, шунингдек, уларнинг ходимлари хорижий туристлар томонидан Ўзбекистон Республикаси қонунчилигининг бузилиши юзасидан жавобгарликдан озод қилинадилар, ушбу банднинг биринчи хатбошида назарда тутилган жавобгарлик бундан мустасно.

Жойлаштириш воситаларига, даволаш муассасалари ва бошқа турар-жой майдонларига жойлаштирилган хорижий фуқаролар жойлаштириш воситалари ҳамда даволаш муассасаларининг маъмуриятлари, шунингдек, бошқа турар-жой майдонлари эгаларининг масъулиятини кучайтирган ҳолда вақтинчалик прописка қоидаларини бузганлик учун жавобгарликдан озод этилади, ушбу Низом 13-бандининг “в” кичик бандида эслатиб ўтилган ва келганидан сўнг ички ишлар органларини уч кун давомида мустақил хабардор қилиши шарт бўлган хорижий фуқаролар бундан мустасно”;

в) 7-банднинг биринчи қисми қуйидаги таҳрирда баён этилсин:

“Хорижий фуқароларни шахсий ишлар бўйича Ўзбекистон Республикасига таклиф қилган (қабул қилувчи) ва уларга нотижорат мақсадларида турар жой берган шахслар:

хорижий фуқароларнинг бўлиш муддати 30 кундан ошмаса, ҳудудий ички ишлар органларига шахсан мурожаат қилиш ёки уларни Дастур ёрдамида хабардор қилиш;

хорижий фуқароларнинг бўлиш муддати 30 кундан ошса, ҳудудий ички ишлар органларига шахсан мурожаат қилиш йўли билан уларнинг вақтинчалик пропискасини таъминлаш чораларини кўришга;

уларга белгиланган бўлиш муддатлари тугаши билан Ўзбекистон Республикасидан чиқиб кетишда кўмаклашишга мажбурдир”;

г) 9-бандда “Ўзбекистон Республикасининг ҳуқуқни муҳофаза қилиш органлари билан ҳамкорликда” сўзларидан сўнг “шу жумладан Дастур ёрдамида” сўзлари қўшилсин;

д) 11-банд қуйидаги таҳрирда баён этилсин:

“11. Ўзбекистон Республикасида вақтинча бўладиган фуқаролар Ўзбекистон Республикаси ҳудудида миллий паспортлар бўйича вақтинчалик прописка асосида яшайдилар. Вақтинчалик прописка белгиланган жойга келингандан сўнг уч сутка мобайнида амалга оширилади, байрам ва дам олиш (якшанба) кунлари бундан мустасно.

Вақтинчалик прописканинг уч кунлик муддати келган санадан (хорижий фуқаролар Ўзбекистон Республикаси Давлат чегарасининг назорат-ўтказиш пункти орқали ўтгандан сўнг) кейинги кундаги соат 00:01 дан ҳисобланади.”;

е) 12-банднинг “д” кичик банди қуйидаги таҳрирда баён этилсин:

“д) сафарда юрган хорижий фуқаролар, агар республиканинг ҳар бир аниқ аҳоли яшаш жойида уларнинг бўлиш муддати уч суткадан ошмаса ва келганини тасдиқловчи ҳужжатлар (хизматлардан фойдалангани ва товарлар харид қилганини тасдиқловчи ҳужжатлар) мавжуд бўлса. Бунда бир аҳоли яшаш жойида узлуксиз рўйхатдан ўтиш талаби белгиланмайди”.

ж) 13-банд қуйидаги таҳрирда баён этилсин:

“13. Хорижий фуқароларни вақтинча рўйхатдан ўтказиш Ўзбекистон Республикаси ички ишлар органлари томонидан қуйидаги шаклларда амалга оширилади:

а) жойлаштириш воситалари ва даволаш муассасалари маъмуриятларини хорижий фуқароларнинг келиш муддатидан қатъий назар улар жойлаштирилган вақтда, таклиф қилган (қабул қилувчи) шахсларни, шу жумладан туризм операторларини тур бошланидан аввал Дастур ёрдамида хабардор қилиш;

б) хорижий фуқароларни шахсий ишлар бўйича Ўзбекистон Республикасига таклиф қилган (қабул қилган) ва нотижорат мақсадларида уларга турар жой берган жисмоний шахслар томонидан:

агар хорижий фуқароларнинг келиш муддати 30 кундан ошмаса, Дастур ёрдамида хорижий фуқаролар жойлаштирилган вақтда хабардор қилиш ёки ҳудудий ички ишлар органларига улар келгандан сўнг уч кун давомида ёзма равишда мурожаат қилиш, байрам ва дам олиш кунлари бундан мустасно;

хорижий фуқароларнинг бўлиш муддати 30 кундан ошса, улар келганидан сўнг уч кун давомида ҳудудий ички ишлар органларига ёзма равишда мурожаат қилиш, байрам ва дам олиш (якшанба) кунлари бундан мустасно;

в) мустақил саёҳат қиладиган, палаткали лагерлар ва тунаш учун қайта жиҳозланган ер усти транспортида яшайдиган хорижий фуқароларнинг келгандан сўнг уч кун давомида туристик-ахборот марказлари ёки яқин атрофда жойлашган жойлаштириш воситаларига мурожаати орқали, Дастурнинг махсус модули йўлга қўйилгандан сўнг эса, лекин 2018 йилнинг 1 июлидан кеч бўлмаган муддатда, бориш йўналишлари бўйича аҳоли яшаш жойларини кўрсатган ҳолда маълумотларни улар томонидан мустақил тўлдириш орқали хабардор қилиш.

Туристтик-ахборот марказлари ва жойлаштириш воситалари маъмуриятлари мустақил саёҳат қиладиган хорижий фуқароларнинг мурожаатлари асосида улар ҳақидаги маълумотларни тўлдириб, ҳудудий ички ишлар органларига Дастур ёрдамида хабарнома юборишлари шарт.

Жойлаштириш воситалари ва даволаш муассасаларининг масъул шахслари томонидан жойлашган шахслар ҳисоби юритилади.

Ички ишлар органи жойлашган шахслар ҳақидаги ахборотни ҳар ҳафтада ҳудудлар бўйича манзил-маълумотнома бюросига юбориши шарт. Жойлаштириш воситалари ва даволаш муассасаларининг масъул шахслари турувчилар жойлашган

вақтда ички ишлар органларини пропискага қўйилиши керак бўлган жойлашган шахслар тўғрисида Дастур ёрдамида хабардор қилиши шарт.

Жойлаштириш хизматларини кўрсатувчи хусусий уйларда (хонадонларда) яшовчилар ҳисоби жойлаштириш воситаларининг масъул шахслари томонидан жойлаштириш хизматларини кўрсатиш тўғрисидаги ёзма келишув (шартнома) асосида ёки белгиланган тартибда сертификатланган ушбу уйлар (хонадонлар) эгалари томонидан мустақил равишда Дастур ёрдамида юритилади.

Жойлаштириш воситалари ва даволаш муассасаларининг масъул шахслари томонидан ушбу талабнинг бузилиши Ўзбекистон Республикаси қонунчилигига мувофиқ жавобгарликка сабаб бўлади”;

з) 15-банд куйидаги тахрирда баён этилсин:

“15. Мазкур Қоидаларнинг 12, 14 ва 16-бандларида кўрсатиб ўтилмаган хорижий фуқаролар, агар уларнинг бўлиш муддати 30 кундан ошмаса, Дастур ёрдамида хабардор қилиш ёки ҳудудий ички ишлар органига ёзма равишда мурожаат қилиш ва агар бўлиш муддати 30 кундан ошса, таклиф қилувчилар (қабул қилувчи) шахслар, ташкилотларнинг ёзма равишдаги мурожаати асосида ҳудудий ички ишлар органларида прописка қилиниши лозим. Хабарномалар хорижий фуқаролар жойлашган вақтда берилиши, ички ишлар органларига эса уч кундан кечикмасдан мурожаат қилиниши даркор, байрам ва дам олиш (якшанба) кунлари бундан мустасно.

Ўзбекистон Республикасига шахсий ишлар бўйича ва фуқаролар таклифларига асосан келадиган хорижий фуқаролар уларни Ўзбекистон Республикасига таклиф қилган (қабул қилган) ва уларга нотижорат мақсадларида турар жой берган шахслар томонидан куйидагилар орқали вақтинча прописка қилинади:

хорижий фуқароларнинг бўлиш муддати 30 кундан ошмаса, ҳудудий ички ишлар органларига шахсан мурожаат қилиш ёки уларни Дастур ёрдамида хабардор қилиш;

хорижий фуқароларнинг бўлиш муддати 30 кундан ошса, ҳудудий ички ишлар органларига шахсан мурожаат қилиш.

30 кунгача вақтинчалик прописка учун таклиф қилган (қабул қилувчи) шахслар Дастурда қайд этилади ва ушбу Дастур ёрдамида туристик (меҳмонхона) йиғимини тўлайди ҳамда ҳудудий ички ишлар органларига куйидаги ҳужжатларни электрон шаклда юборади:

белгиланган шаклдаги ариза;

миллий паспорт ёки фуқаролиги бўлмаган шахс учун келиш ҳужжатининг нусхаси;

уй-жой эгасининг вақтинча прописка учун ёзма розилиги ва уй-жойга нисбатан ҳуқуқни белгиловчи ҳужжатлар.

Таклиф қилган (қабул қилувчи) шахслар 30 кунгача вақтинчалик прописка учун ҳудудий ички ишлар органларига ёзма равишда мурожаат қилган ҳолда, юқорида қайд этилган ҳужжатларни ҳамда туристик (меҳмонхона) йиғими тўлангани тўғрисидаги квитанцияни тақдим этади.

Таклиф қилган (қабул қилувчи) шахслар, ташкилотлар 30 кундан ортиқ муддатга вақтинчалик прописка учун ўзлари жойлашган жойдаги ҳудудий ички ишлар органларига қуйидаги ҳужжатларни тақдим этади:

белгиланган шаклдаги ариза;

қабул қилувчи ташкилотнинг белгиланган шаклдаги илтимосномаси;

миллий паспорт ёки фуқаролиги бўлмаган шахс учун ҳужжат;

уй-жой эгасининг вақтинчалик прописка учун ёзма розилиги ва уй-жойга нисбатан ҳуқуқни белгиловчи ҳужжатлар;

давлат божи тўлангани тўғрисидаги қвитанция.

Хорижий фуқароларнинг вақтинчалик пропискасини узайтириш учун таклиф қилган (қабул қилувчи) шахслар, ташкилотлар ички ишлар органларига вақтинчалик прописка муддати тамом бўлишигача уч иш кунидан кечикмасдан мурожаат қилишлари керак”;

и) 17-банддаги “бу фуқароларнинг шахсий мурожаатномалари ёки қабул қилувчи ташкилотларнинг буюртманомалари асосида мурожаатномаларда, турларда, аризаларда кўрсатилган муддатга ёки визанинг амал қилиш муддатида” сўзлари “Дастур ёрдамида” сўзлари билан алмаштирилсин;

к) 19-банднинг биринчи хатбоши қуйидаги таҳрирда баён этилсин:

“Ўзбекистон Республикасида бўлиш қоидаларини бузган, шунингдек, бошқа қоидабузарликларга йўл қўйган хорижий фуқаролар ҳақида жойлаштириш воситалари ва даволаш муассасалари маъмуриятлари, бошқа турар-жой майдонлари эгалари ҳудудий ички ишлар органларига зудлик билан хабар қилишга мажбур”;

л) 20-банд қуйидаги таҳрирда баён этилсин:

“20. Жойлаштириш воситалари ва даволаш муассасаларида, шунингдек, бошқа турар-жой майдонларида яшаётган хорижий фуқароларнинг бўлиш муддати қабул қилувчи ташкилотларнинг ёзма илтимослари ёки таклиф қилган (қабул қилувчи) шахслар, ташкилотларнинг ёзма мурожаатлари ёхуд ушбу Қоидаларнинг б¹-бандида кўрсатилган хорижий фуқароларнинг ўз ёзма аризалари (туристлар учун - турнинг амалда бўлиши муддати) асосида, лекин визанинг амал қилиши муддати доирасида узайтирилади”;

м) 22-банддаги “жойлаштириш воситаси ва даволаш муассасасига” сўзларидан сўнг “ва бошқа турар-жой майдонларига” сўзлари қўшилсин;

н) 25-банддаги “Жойлаштириш воситалари ва даволаш муассасалари маъмурияти” сўзларидан сўнг “шунингдек, бошқа турар-жой майдонлари эгалари” сўзлари қўшилсин;

о) 32-банд қуйидаги таҳрирда баён этилсин:

“32. Хорижий фуқаролар Ўзбекистон Республикаси ҳудуди бўйлаб фақат хорижий фуқаролар боришига рухсат берилган жойларда ҳаракат қилишлари шарт.

Хорижий фуқаролар вақтинча бўлиш жойига келгач, таклиф қилган (қабул қилувчи) шахслар, ташкилотлар ҳудудий ички ишлар органларини Дастур ёрдамида хабардор қилиш ёки уларга ёзма равишда мурожаат қилиш орқали

уларни Ўзбекистон Республикаси ички ишлар органларида вақтинчалик прописка қилиши шарт.

Жойлаштириш воситалари ва даволаш муассасаларига келган хорижий фуқаролар ушбу муассасаларда ҳисобга турадилар.

Ўзбекистон Республикаси ҳудудида доимий яшайдиган ва яшаш рухсатномасига эга бўлган хорижий фуқаролар учун вақтинчалик прописка уларнинг муайян яшаш жойида бўлган давр учун амалга оширилади. Уч кундан олти ойгача бўлган даврда вақтинчалик прописка шахсни доимий яшаш жойидан рўйхатдан чиқармасдан амалга оширилади. 6 ойдан ортиқ муддатга вақтинчалик прописка қилиш хизмат сафарига, таътилга, дам олиш ёки даволанишга бораётган шахслардан ташқари, шахсни доимий яшаш жойидан рўйхатдан чиқарган ҳолда амалга оширилади”.

4. Вазирлар Маҳкамасининг “Япония фуқаролари учун виза тартиботларини соддалаштириш тўғрисида” 2002 йил 22 июлдаги 259-сон қарори (Ўзбекистон Республикаси ҚХТ, 2002 й., 14-сон, 110-модда) 1-бандининг биринчи хатбоши чиқариб ташлансин.

5. Вазирлар Маҳкамасининг 2003 йил 4 ноябрдаги 482-сон қарори (Ўзбекистон Республикаси ҚХТ, 2003 й., 21-сон, 204-модда) билан тасдиқланган Ўзбекистон Республикасида Автобусларда йўловчилар ташиш хавфсизлигини таъминлашга доир талабларда:

а) 23-банднинг учинчи хатбошидаги “шунингдек тунги қатновларни ташкил этиш тақиқланади, тендер контрактда бошқача ҳол назарда тутилмаган бўлса” сўзлари чиқариб ташлансин;

б) 30-бандга қуйидаги мазмундаги хатбоши қўшилсин:

“Туристлар автобуслари хавфсизлик талабларига (GPS, мажбурий ва (ёки) ихтиёрий суғурта полислари, ёруғлик қайтарувчи махсус мослама (линия), икки нафар ҳайдовчи ва уларда мобил алоқа мавжудлиги) жавоб берган тақдирда кузатиб борилмайди”;

в) 31 банднинг рус тилидаги матнидан “Туристско-экскурсионные и” сўзлари чиқариб ташлансин;

г) 44-банд ўз кучини йўқотган деб ҳисоблансин.

6. Вазирлар Маҳкамасининг 2003 йил 14 ноябрдаги 510-сон қарори (Ўзбекистон Республикаси ҚХТ, 2003 й., 21-сон, 218-модда) билан тасдиқланган Геодезия ва картография фаолиятини лицензиялаш тўғрисидаги низомга 1-иловада:

а) 1-банд “б” кичик бандининг биринчи хатбоши қуйидаги таҳрирда баён этилсин:

“б) картография ишлари (туристик объектлар (архитектура ёдгорликлари ва бошқалар) ва инфратузилма (меҳмонхоналар ва бошқа жойлаштириш воситалари, туристик йўналишлар ҳамда бошқалар) жойлашган жой қайд этилган ва кўрсатилган мавзуга оид туристик хариталар нусхасини кўпайтириш ҳамда тарқатишдан ташқари).”;

б) 2-банд “б” кичик бандининг биринчи хатбоши қуйидаги таҳрирда баён этилсин:

“б) картография ишлари (туристик объектлар (архитектура ёдгорликлари ва бошқалар) ва инфратузилма (меҳмонхоналар ва бошқа жойлаштириш воситалари, туристик йўналишлар ҳамда бошқалар) жойлашган жой қайд этилган ва кўрсатилган мавзуга оид туристик хариталар нусхасини кўпайтириш ҳамда тарқатишдан ташқари):”.

7. Вазирлар Маҳкамасининг “Давлат ва хўжалик бошқаруви органлари, жойлардаги давлат ҳокимияти органлари ва бошқа ташкилотларда хизмат енгил автомобилларидан фойдаланишни янада тартибга солиш бўйича чора-тадбирлар тўғрисида” 2011 йил 26 майдаги 153-сон қарорининг рус тилидаги матнида:

а) 1-иловага қуйидаги мазмундаги 37¹-позиция қўшилсин:

«

№ п/п	Подразделения	Количество на 01.04.2011 г., всего	Предлагаемое количество с 01.06.2011 г.				Сокращение	
			всего	в том числе				
				персональные	дежурные	спец. транспорт	кол-во	%
37 ¹	Госкомтуризм	22	53	25	13	15	31	140
	Центральный аппарат	3	9	5	2	2	6	200
	Областные звенья	5	24	14	5	5	19	380
	Подведомственные организации	14	20	6	6	8	6	42

»;

б) 2-иловадаги 55 позиция чиқариб ташлансин.

8. Вазирлар Маҳкамасининг 2012 йил 12 июндаги 169-сон қарори (Ўзбекистон Республикаси ҚХТ, 2012 й., 23-24-сон, 263-модда) билан тасдиқланган Хорижий кинокомпаниялар томонидан Ўзбекистон Республикаси ҳудудида бадиий фильмларни кино- ва видеотасвирга олиш тартиби тўғрисидаги низомнинг 20-бандига қуйидаги мазмундаги хатбоши қўшилсин:

“Бунда ариза берувчи Ўзбекистон брендини илгари суриш шарти билан, шу жумладан кириш (сарлавҳа) ва (ёки) якуний титрда тасвирга олиш мамлакати ҳамда жойини (объекти) алоҳида кадрлар билан кўрсатиш орқали моддий-маданий мерос объектларида тасвирга олиш учун ушбу йиғин ва ижара тўловларини тўлашдан озод этилади”.

9. Вазирлар Маҳкамасининг “Ўзбекистон Республикасининг самовий ҳудудида учувчисиз учиш аппаратларидан рухсатсиз фойдаланилиши ҳақида огоҳлантириш бўйича чора-тадбирлар тўғрисида” 2014 йил 26 ноябрдаги 322-сон қарорининг рус тилидаги матнига қуйидаги мазмундаги хатбоши қўшилсин:

«Временный ввоз и использование на территории Республики Узбекистан беспилотных летательных аппаратов для подготовки фото- и видеоматериалов о туристском потенциале республики разрешается, в том числе зарубежным творческим группам, по ходатайствам Государственного комитета Республики Узбекистан по развитию туризма, Министерства культуры Республики Узбекистан и Национального агентства «Узбеккино», с предоставлением в Министерство обороны Республики Узбекистан и Государственную инспекцию Республики Узбекистан по надзору за безопасностью полетов информации о лицах, ввозящих и использующих беспилотные летательные аппараты и местах съемок».

10. Вазирлар Маҳкамасининг 2015 йил 10 мартдаги 53-сон қарори (Ўзбекистон Республикаси ҚХТ, 2015 й., 10-сон, 116-модда) билан тасдиқланган Туристлар бориши тақиқланган объектлар ва ҳудудлар рўйхатининг бешинчи, ўн тўртинчи ва ўн бешинчи хатбошилари чиқариб ташлансин.

11. Вазирлар Маҳкамасининг “Ўзбекистон Республикасида туризм соҳасини янада қўллаб-қувватлаш ва ривожлантириш чора-тадбирлари тўғрисида” 2017 йил 15 мартдаги 137-сон қарорида (Ўзбекистон Республикаси ҚХТ, 2017 й., 11-сон, 165-модда):

а) 1-илованинг 7-бандига қуйидаги мазмундаги хатбошилари қўшилсин:

“туризм соҳасида тадбиркорлик субъектларини, шу жумладан ёш тадбиркорларни рағбатлантириш, ушбу рағбатлантириш шартлари Туризмни ривожлантириш давлат қўмитаси томонидан белгиланади;

Ўзбекистоннинг туристик салоҳиятини ташқи бозорларга ва республика ҳудудида ҳар чоракда қуйидаги ҳисоб рақамларга маблағлар ўтказиш орқали илгари суриш:

Жамғармага ўтган чорак яқунлари бўйича тушган умумий маблағларнинг – Туризмни ривожлантириш давлат қўмитаси ҳузуридаги “Миллий PR-марказ” ДУКга – 20 фоизи миқдорида,

Туризмни ривожлантириш давлат қўмитасининг ҳудудий бўлинмаларига ўтган чорак мобайнида тегишли ҳудуддаги жойлаштириш воситаларига жойлаштирилган хорижий фуқароларнинг тунаб қолиш сонига мутаносиб равишда – 10 фоиз миқдорида,

Ўзбекистон Республикасининг хориждаги дипломатик ваколатхоналарига қўшни давлатлар, МДХнинг бошқа давлатлари ва узоқ хориж мамлакатларидан ўтган йилнинг шу даврига нисбатан республикага келган хорижий фуқаролар сонининг ўсиши асосида – 10 фоизи миқдорида. Ажратмалар миқдори Туризмни ривожлантириш давлат қўмитаси раисининг қарори билан уларнинг иш самарадорлигига қараб ўзгартирилиши мумкин”.

б) 2-иловада:

2-банднинг учинчи хатбоши қуйидаги таҳрирда баён этилсин:

“туристик (меҳмонхона) йиғим - жойлаштириш воситалари ва даволаш муассасалари 16 ёшгача бўлган болалардан ташқари, Ўзбекистон Республикаси ҳудудида доимий яшаш жойига эга бўлмаган хорижий фуқаролар ҳамда фуқаролиги бўлмаган шахслардан ушбу Низомнинг иловасига мувофиқ миқдорларда улар яшаган ҳар бир кун учун ундирадиган йиғим. Тўлиқ бўлмаган яшаш куни учун туристик (меҳмонхона) йиғим тўлиқ яшалган кун миқдорида ундирилади.

Бунда туристик (меҳмонхона) йиғим, шунингдек:

палаткали лагерлар ва тунаш учун қайта жиҳозланган ер усти транспортида яшашни ташкил қилган туризм фаолияти (туризм операторлари) субъектлари томонидан яшовчилардан ҳам ундирилади;

Ўзбекистон Республикасига 30 кунгача келадиган хорижий фуқароларни қабул қилиб, уларга нотижорат мақсадларида яшаш майдони тақдим этган жисмоний шахслар томонидан;

мустақил саёҳат қиладиган, палаткали лагерлар ва тунаш учун қайта жиҳозланган ер усти транспортида яшайдиган хорижий фуқаролар томонидан тўланади”;

Қуйидаги мазмундаги илова қўшилсин:

“Ўзбекистон Республикаси ҳудудида туристик (меҳмонхона) йиғимни ундириш тартиби тўғрисидаги низомга илова

Меҳмонхона ва бошқа жойлаштириш воситаларидан ундириладиган туристик (меҳмонхона) йиғимнинг табақалаштирилган миқдорлари

Жойлаштириш воситалари	Хоналар сони	Туристтик (меҳмонхона) йиғимининг миқдори (энг кам ойлик иш ҳақининг фоизида)
Меҳмонхона ва бошқа жойлаштириш воситалари*: меҳмонхоналар, апартаментлар, апартаментлар комплекси (резиденция), спа-меҳмонхоналар, бутик-отеллар, мотеллар, туристик базалар, туристик лагерлар, палаткали (кемпинг) лагерлар, ўтовли лагерлар, дам олиш зоналари ва уйлари (марказлари), туристик қишлоқлар, кемпинглар ва бошқалар	40 дан ортиқ	15
	11-40	10
	10 гача	5
Санаторий-курорт жойлаштириш воситалари: санаторийлар, пансионатлар, яшаш мумкин бўлган шифохоналар ва бошқалар		10
Дам олиш ва дам олишни ташкил қилиш учун ихтисослаштирилган жойлаштириш воситалари: дам олиш уйлари (марказлар, зоналар), спорт базалари ва бошқалар		
Якка тартибдаги жойлаштириш воситалари, жумладан (хоналар фонди 5 данагача бўлган): дала ҳовли, шахсий уй, квартира, эконоферма, тоғдаги уй, қишлоқдаги уй, ўтов, апартаментлар, хостеллар ва бошқалар		5
Палаткали лагерлар ва тунаш учун жойлаштириш воситаларига қайта жиҳозланган ер усти транспорти (мустақил, туроператор орқали, туристик ахборот бюроси ва жойлаштириш воситалари)		
Мустақил саёҳат қиладиган, палаткали лагерлар ва тунаш учун қайта жиҳозланган ер усти транспортида яшайдиган хорижий фуқаролар		
Даволаш муассасалари		2
Қишлоқ жойларда маҳаллий аҳоли уйларида ташкил қилинган меҳмон уйлари (ўринлар сони 10 тагача бўлиб, меҳмонхона уйларига қўйиладиган талабларга мувофиқ ташкил этилган)		
Нотижорат мақсадлардаги шахсий уйлар (квартиралар)		

*) Меҳмонхоналар ва шу каби жойлаштириш воситаларини ҳар бир таснифланган юлдуз учун энг кам ойлик иш ҳақининг 2 фоизи қўшилади»;

в) 4-бандда:

олтинчи хатбошига “автоматлаштирилган дастурини” сўзларидан сўнг “кейинги ўринларда Дастур деб аталади)” сўзлари кўшилсин;

еттинчи хатбошидаги “, шу жумладан вақтинча яшаш муддатлари кейинги ойга ўтадиган жисмоний шахслар бўйича ўтган ойдаги амалдаги яшаш кунлари учун” сўзлари чиқариб ташлансин;

саккизинчи хатбоши тўққизинчи хатбоши деб ҳисоблансин;

куйдаги мазмундаги саккизинчи хатбоши кўшилсин:

“Даволаш муассасалари ушбу банднинг иккинчи, бешинчи ва еттинчи хатбошиларига мувофиқ чора-тадбирларга риоя этишга мажбур”;

тўққизинчи хатбошига “ва даволаш муассасалари” сўзлари кўшилсин;

г) 5-банд куйидаги таҳрирда баён этилсин:

“5. Туризмни ривожлантириш давлат кўмитаси ҳар ойнинг 10 санасигача жойлаштириш воситалари ва даволаш муассасаларида яшовчилар ҳисобини юритишнинг махсус электрон автоматлаштирилган дастурини қўллаган ҳолда тақдим этилган маълумотлар асосида жойлаштириш воситалари ҳамда даволаш муассасалари ўтган ой якуналари бўйича ҳақиқатда яшаган ва улар учун туристик (меҳмонхона) йиғим миқдорини ўтказиши лозим бўлган жисмоний шахслар тўғрисида умумлаштирилган маълумотларни шакллантиради. Мазкур маълумотлар жойлаштириш воситалари ва даволаш муассасалари бўйича шакллантирилади ва Жамғарманинг махсус ҳисобрақамларига ундириладиган туристик (меҳмонхона) йиғим миқдорининг тўлиқ тушишини текшириш учун фойдаланилади”;

д) 6-банд куйидаги таҳрирда баён этилсин:

“6. Туристтик (меҳмонхона) йиғим миқдори Жамғарма махсус ҳисобрақамига ўз вақтида ёки тўлиқ ўтказилмаганлиги учун жойлаштириш воситалари ва даволаш муассасалари кечиктирилган ҳар бир кун учун туристик (меҳмонхона) йиғим ўтказилмаган миқдорнинг 0,05 фоизи, бироқ қарздорлик умумий миқдорининг 50 фоизидан кўп бўлмаган миқдорда пеня тўлайдилар.

Мустақил саёҳат қиладиган, палаткали лагерлар ва тунаш учун қайта жиҳозланган ер усти транспортда яшайдиган хорижий фуқаролар туристик (меҳмонхона) йиғим миқдорини ўз вақтида ёки тўлиқ тўламаса, Ўзбекистон Республикасидан чиқишда Дастур маълумотлари асосида туристик (меҳмонхона) йиғимнинг тўланмаган қисми учун ўн баравар миқдорида жарима тўлайди”.

ж) 8-банд куйидаги таҳрирда баён этилсин:

“8. Жойлаштириш воситалари ва даволаш муассасалари ундирадиган уларнинг махсус ҳисобрақамига тушган туристик (меҳмонхона) йиғим миқдори жойлаштириш воситалари ҳамда даволаш муассасаларининг тушуми (фойдаси) ҳисобланмайди, улардан даромад солиғи (ягона солиқ тўлови), бошқа мажбурий йиғимлари ҳамда тўловлар олинмайди”.

12. Вазирлар Маҳкамасининг 2017 йил 6 апрелдаги 189-сон қарори (Ўзбекистон Республикаси ҚХТ, 2017 й., 14-сон, 231-модда) 8-бандига куйидаги мазмундаги “к” кичик банди кўшилсин:

к) “Ҳар йили 500 нафардан ортиқ туристга хизмат кўрсатилганда лицензиатда электрон тўловлар, брон қилиш, эквайринг каби хизматлар кўрсатувчи кўп тилли веб-сайт мавжуд бўлиши”.

13. Вазирлар Маҳкамасининг “Тошкент вилояти ҳокимлиги ҳузуридаги Туризмни ривожлантириш департаменти фаолиятини ташкил этиш тўғрисида” 2017 йил 19 октябрдаги 852-сон қарорининг 1 ва 3-бандлари, шунингдек, унинг 1-3-иловалар ўз кучини йўқотган деб ҳисоблансин.